

神池縣志卷首

目錄

卷首

序

凡例

編纂姓氏

諸圖譜

卷一

星野

疆域

古今沿革

卷二

山川

橋梁

形勢

關隘

卷三

城池

堡寨

公廨

官署

倉廩

公所

卷四

學校

書院

義學

田賦

卷五

武備

驛置

舖遞

卷六

職官

科目

例職

選舉

廕襲

武貴

卷七

名宦

人物

烈女

卷八

壇廟

古蹟

卷九

風俗

歲序

物產

事考

卷十

藝文

藝文詩

神池縣志卷之七

名宦

金

康公弼字伯迪宛平人以進士為甯遠令邑中湏
霜殺禾稼漕司督賦急繫人於獄公弼上書朝
廷乃釋之因免邑中租賦

明

孫吳初名國寶祖玘世為江南當塗人世襲百戶
父傑以功授老營正千戶因遂家焉吳本將種

又世官邊陲生而倜儻材武絕倫嘉靖二十五年丙午以武畧舉次年會試登進士第任廣武守備署指揮發事隨巡撫趙孔昭追賊於代州十里鋪斬七級撫按上其功奉

旨賞給銀幣賜名吳又余襲正千戶授利民叅將四十

四年擢都督僉事為協守老營副總兵官吳以

老營地當絕塞屢經大敵乃大修城垣守禦之

具畢備且請建立學校暇則解纍鞭而講藝軍

士皆有勇知方北夷入寇斬首十二級奪獲夷

馬一百八十餘匹明年秋七月擢為大同總兵
紀世楹榆林人任偏關副總兵正德十六年逐套
部之八犯利民者戰於塞外大勝而返

周應岐嘉靖間任利民守備幫築城垣敵台增置
邊土堡捍衛民命起行之日民有歌庶借寇之
謠攀轅卧輒之留

計安國清泉人萬厯間任利民叅將開車途通朔
粟創社學立保甲每值大旱披髮徒跣為民禱
雨民思其德有感激泣下者

國朝

李識蒙河南夏邑人乾隆三年以歲貢蒞任神池
相傳公善政感人民不忍忘私為公建功德生
祠公力拒之既聞民已相土盈室乃因其地為
義學並塑呂祖像於中堂令不得變義學在
城西北隅

周文權

名進士也乾隆間奉勅守茲土蒞

任後以培養士氣為首務創立觀華書院事雖

未終而心亦良苦矣公固善書法邑中多墨痕

筆蹟然題咏皆理學名言蓋程朱非特鄒枚也
紀冠軍山東登州人嘉慶間以進士為神池營都
司僉書善技勇嫻陣法勤於教戰主令數年
行陳肅然至今公故兵丁猶多為營伍教習後
遷某省叅將出征遂從難

人物

北周

雷紹字道宗武川鎮人有膂力善騎射年十八至洛陽見京都禮儀之美嘆曰徒知邊備尚武不謂文學身之寶也遂辭母求師通孝經論語還鄉里躬耕養母由是知名召補鎮佐賀拔岳以為長史事必訪而後行嘗勸岳迎孝武西都長安及勿與侯莫陳悅款暱岳不從作亂果及於難紹乃與寇洛等迎周文帝

悅平為渭州刺史卒

王勒字醜興其先樂浪人祖羆遷武川勒年十七從周文入關平秦隴定關中拜散騎常侍梁甫縣公沙苑之役勒領禁兵被傷卒於行間周文深悼贈太尉尚書令諡忠武

隋

李虎隴西成紀人祖熙成武川因家焉官至太尉與李弼等八人伍周皆為柱國號八柱國後錄功封唐國公諡襄子昝生淵於長安即唐高祖

國

朝

侯莫陳穎字遵道武川人少有器量魏大統末累
遷瀛州刺史有惠政百姓立碑頌德仁壽中徵
拜桂州總管大崇恩信人民悅服卒諡白定
獨孤信雲中人祖侯泥鎮武川因家焉信美容儀
善騎射正光末為新野守政術並美魏孝武西
遷單騎及於灤澗拜荊州刺史後拜秦州刺史
示禮教勸耕桑周文以其信著遐邇賜名信為
晉公護逼令自盡隋初追封趙國公諡曰景

龔世高本邑虎北寨樺林坡村人少未學性至孝
母病私祝於神曰若得母疾瘳願以身代既而
母疾果愈高亦無恙自念貧無以報神因許宿
壇三載持齋終身及母卒事繼母亦如之今修
志里人交口以薦因表而出之以異永錫爾類
焉